



REGIONE AUTÒNOMA DE SARDIGNA  
REGIONE AUTÒNOMA DELLA SARDEGNA



CITTÀ METROPOLITANA DI CAGLIARI  
Settore Pùbblica Istruzione e Servizi alla Persona  
Servizio Istruzione, Biblioteche e Cultura

ORIENTARE



COMUNE DI CAGLIARI  
COMUNU DE CASTEDDU



COMUNU DE  
QUARTU SANT'ALÈNI



COMUNU DE  
CERAXIUS



COMUNU DE  
ASSEMINI



COMUNU DE  
CABUDERRA



COMUNU DE  
SÈSTU



COMUNU DE  
PAULI



COMUNU DE  
SINNIA



COMUNU DE  
QUARTÙCCIU



COMUNU DE  
DEXIMUMANNU



COMUNU DE  
SU MASU



COMUNU DE  
MARA



COMUNU DE  
PULA



COMUNU DE  
SARROCCU



COMUNU DE  
UDA



COMUNE DE  
SANTU PERDU

# REGULAMENTU CHI DISSIPLINAT SU SERVÌTZIU PO S'ASILU NIU METROPOLITANU

Tradùsiu in Sardu de sa Dot.ra Valeria Lecca

ORIENTARE s.r.l.

Via San Tommaso D'Aquino 18, 09134 Cagliari | Telefono +39 070 667.0168 | Fax +39 070 685.1832  
P.I. 02317120927 | C.F. 92066630929 | orientare@orientare.it | orientare@pec.it | www.orientare.it



## **REGULAMENTU CHI DISSIPLINAT SU SERVÌTZIU PO S'ASILU NIU METROPOLITANU**

### **ART.1 PRINTZÌPIUS**

Custu Regulamentu dissiplinat su funtzionamentu de s'Asilu Niu gestiu de sa Tzitadi Metropolitana cunforma a is printzìpius e a is diretivas de sa L.R. n.23/2005 po su riòrdinu de is incàrrigus sotziu-assistentzialis e arrespetendi is normativas po sa gestioni de is servìtzius cunforma a su D.Lgs. n.267/2000,

### **ART. 2 DEFINITZIONI**

S'Asilu Niu constituiscit un servìtziu sotziali chi cuncurrit a su ruolu educativu de sa famìllia. Sa Tzitadi Metropolitana at arrempratzau sa Provìntzia de Casteddu po sa gestioni de un Asilu Niu in sa tzitadi de Casteddu, istituìu cumentu Asilu Niu Aziendali cun delìbera G.P. n.533 de su 30/12/2003.

2

Su servìtziu est arrevòlgiu po is pipieddus chi tenint de 3 mesis a is 3 annus no fatus a su 31 de su mesi de Idas de s'annu scolàsticu de riferimentu. S'Asilu Niu est organizau in setzionis pratzidas po edadi: setzioni piticus/mesanus (3/17 mesis) e mannus (18/36 mesis).

### **ART.3 – FINALIDADIS**

S'Asilu Niu tenit su scopu de:

- cuncurri a s'atzioni educativa de sa famìllia e de sa comunidadi;
- favoressi po su pipiu un sviluppu psicofisicu e afetivu armònicu e ecuilibrau e sa sotzializatzioni;
- garantiri un'assistèntzia preventiva in su setori sotziali, psicològicu e afetivu;
- garantiri sa presèntzia de sugetus disàbilis e normodotaus.



## **ART. 4 – UTÈNTZIA**

Su Servìtziu de Asilu Niu aziendali, chi est in sa tzitadi de Casteddu, est pruschetotu destinau a is dependentis de sa Tzitadi Metropolitana; su Servìtziu est rivòlgiu fintzas a si chi funt residentis in s'àmbitu territoriali de sa Tzitadi Metropolitana de Casteddu. Funt definius is critèrius po s'atzessu fintzas po si chi no faint parti de custu territòriu.

## **ART. 5 – RECHISIUS PO ESSI AMÌTIUS**

Sa frequèntzia a s'Asili Niu est arreservada a manera prioritària a si chi ndi tenint diritu, a is fillus de dependentis a tempus indeterminau de sa Tzitadi Metropolitana, po mori ca est Asilu Niu aziendali.

Tenint diritu a essi amìtius a s'Asilu Niu is fillus de dependentis de sa Proservice SPA (sotziedadi in house de sa Tzitadi Metropolitana), e is fillus de titularis de un incàrrigu de traballu flessibili / a tèrmini fatu inderetura cun sa Tzitadi Metropolitana cun cuntratu de assumancu 6 mesis, bàllidu candu benit fata sa dimanda po amiti is fillus a s'Asilu Niu candu incumentzat s'annu scolàsticu.

Po is fillus de dependentis a ruolu, nàscius pustis sa serradura de su bandu, s'amitidura at a essi valudada cunforma a sa disponibilitadi de su servìtziu. Is minoris chi ant giai frequentau s'Asilu Niu in s'annu scolàsticu pretzedenti tenint diritu de precedèntzia po s'atzessu a su servìtziu. Custu diritu ballit chi est presentada sa cunfirma po s'iscritzioni ainnantis de fai su bandu.

Pustis chi funt amìtius si chi tenint diritu a frequentai s'Asilu Niu, chi ddoi est sa disponibilitadi po àterus postus, podint essi amìtius a manera prioritària is fradis/sorris de un minori frequentanti, chi est residentis in su territòriu de sa Tzitadi metropolitana, e agoa po cussus chi risiedint in su territòriu de sa Tzitadi metropolitana chi ant a pigai un puntègiu cunforma a s'art.7; chi su puntègiu est paris benit calculau su rèditu de su nùcleu familiari donendi prioridadi a su rèditu prus bàsciu e a su nùmuru de is



fillus minoris.

Chi is arrechestas po fai intrai is minoris chi tenint diritu o po is amìtius a manera prioritària funt prus de is postus a disponimentu, s'at a provedi a assenniai un puntègiu cunforma a is critèrius de s'art.7; chi su puntègiu est paris benit calculau su rèditu de su nùcleu familiari donendi prioridadi a su rèditu prus bàsciu e a su nùmuru de is fillus minoris.

Po si chi pertocat is minoris chi tenint disabilitadi fisica o psìchica cunforma a sa L. n.104/1992 benit inditada un'arreserva assoluta cun nùmuru de postus chi s'at a inditai in su bandu annuali de riferimentu.

Chi ddoi funt ancora postus a disponimentu, s'ant a pigai in cunsìderu s'òrdini de arribu de is dimandas de si chi no funt residentis in su territòriu de sa Tzitadi Metropolitana, paghendi una cuota po sa fàscia de rèdditu prus arta.

Chi, a annu scolàsticu incumentzau, si fait unu càmbiu de residèntzia (foras de su territòriu de s'àrea metropolitana), su pipiu at a podi sodigai a andai a s'Asilu Niu de sa Tzitadi Metropolitana.

Is stràngius depint tenni su permissu de soggiornu cunforma a su D.Lgs. 286/98.

4

## **ART.6 – MODALIDADI DE ATZESSU**

S'amitidura de su minori benit fata pustis predisponimentu de sa graduatòria cun is dimandas arribadas, fata de parti de s'Ufitziu Asilu Niu e agoa aprovada cun determinatzioni de su Dirigenti de su Setori.

S'Aministratzioni s'arreservat sa facultadi de sutaponni a acramentu is auto-decraratzionis, po assumancu su 10% de is dimandas pervènnias.

Chi is decraratzionis cuntenint datus frassus, in prus de no si biri cunfirmau su benefìtziu arrechèdiu, ddoi est responsabilidadi penali po si chi at fatu sa decraratzioni cunforma a s'art. 76 de su DPR 28/12/2000 n.445 e s'ant a sinnialai a s'autoridadi giuditziària de cumpetèntzia.

Sa graduatòria s'at a pubricai in s'Albu Pretòriu in lìnìa de sa Tzitadi Metropolitana.

Cun sa graduatòria si podit fai s'arrechesta a su Dirigenti po dd'esaminai,



aintru de 15 diis de sa data de pubricatzioni. Pustis custas 15 diis, chi no ddoi funt istàntzias po su torrai a verificai is informus, sa graduatòria at a diventai definitiva.

S'amitidura de is pipius si fait de sòlitu aintru de su mesi de cabudanni e s'at a fai sciri a su babbu o a sa mamma cun lìtera eletrònica o cun su telèfunu, e depint atzetai su postu a disponimentu aintru de sa scadèntzia chi ddi benit inditau in sa comunicatzioni.

S'amitidura de su pipiu e su pagai sa cuota, ant a incumentzai de sa primu dii de frequèntzia.

## **ART. 7 – PUNTÈGIU**

Si cunsiderat famìllia cun d-unu parenti:

- mamma/babbu cun minori riconnòsciu scèti de unu de is duus;
- fiuda/u;
- babbu o mamma chi, in situatzionis de separatzioni giurìdica o divòrtziu, tenit a manera esclusiva sa responsabilidadadi (allegai sa tzertificatzioni);
- situatzioni innui su babbu e sa mamma no funt cojaus nì conviventis e su minori est arreconnotu de ambaduus. In custa situatzioni fintzas si chi no est cunviventis depit inditai sa situatzioni de su rèdditu (ISEE).

5

No si cunsiderat famìllia cun d-unu parenti sa situatzioni de candu funt cunviventis ma no funt cojaus, poita ca aici ddoi est una situatzioni de “famìllia de fatu”, chi arresurtat de autotzertificatzioni o da acramentus. In custa situatzioni ambaduus depint inditai su rèdditu (ISEE).

Si cunsiderat “traballadori” fintzas su babby/mamma studenti o tirocinanti, mancai siat a indonu, o chi frequentat cursus de formatzioni professionali, basti chi is oras impenniadas in custas atividadis funt cussas de candu s'Asilu Niu est abertu. Custa situatzioni si depit documentai cun tzertificau chi acrarit sa frequèntzia e/o is esàminis sustènnius in s'annu scolàsticu.



<b>CRITÈRIUS PO FORMULAI SA GRADUATÒRIA</b>		
1	Famìllia cun d-unu parenti (minori arreconnotu scèti de unu de is duus), no inseria in su nùcleu de orìgini de su babbu o de sa mamma, donendi prioridadi a-i cussu chi traballat	P.15
2	Famìllia cun d-unu parenti (minori arreconnotu scèti de unu de is duus), inseria in su nùcleu de orìgini de su babbu o de sa mamma, donendi prioridadi a-i cussu chi traballat	P.13
3	Famìllia cun d-unu parenti (minori arreconnotu de ambaduu), cunviventì scèti cun d-unu de issus, no inseriu in su nùcleu de orìgini, donendi prioridadi a-i cussu chi traballat	P.11
4	Famìllia cun d-unu parenti (minori arreconnotu de ambaduu), cunviventì scèti cun d-unu de issus, inseriu in su nùcleu de orìgini, donendi prioridadi a-i cussu chi traballat	P.10
5	Famìllia innui ambaduu traballant	P.8
6*	Famìllia innui ambaduu no traballant o traballat scèti unu	P.6
<b>PUNTÈGIUS DE ACIUNGI PO SITUATZIONIS FAMILIARIS PARTICULARIS</b>		
A	Nùcleu familiari residenti in is comunus de su territòriu de sa Tzitadi Metropolitana innui no ddoi siant asilus nius comunalis	P.4
B	Nùcleu familiari cun disabilitadi o invalididadi de su babbu o sa mamma o fradis de su minori chi ant richièdiu su servìtziu (prus de su 65%)	P.1
C	Nùcleu cun a càrrigu cuàturu minoris o prus, fintzas a 10 annus de edadi, a su 31 de Idas de s'annu scolàsticu de riferimentu *	P.2
D	Nùcleu cun prus minoris de 0-3 annus a su 31 de Idas de s'annu scolàsticu de riferimentu	P.1
E	Nùcleu cun sedi de traballu prus de 25 Km de sa residèntzia de su babbu o de sa mamma	P.1
F	Nùcleu cun sedi de traballu prus de 25 Km de sa residèntzia de su babbu e de sa mamma	P.2
C.B. Is puntègius de is puntus C) e D) no si podint aciungi a pari, su riferimentu est su 31 de Idas de s'annu de candu benit fata sa dimanda.		
<b>CRITÈRIUS IN SITUATZIONI DE PUNTÈGIU OGUALLI</b>		
1	Prioridadi a su rèdditu prus bàsciu	
2	Prioridadi a is nùcleus familiari cun prus de unu fillu minori a càrrigu	

*\*parametru modificau cun deliberatzioni de su Cunsillu metropolitanu n..... de su 2018*

Su puntègiu totali arresurtat de su totali de is puntègius partzialis atribuius po dònna rechisiu. Chi is arrechestas funt de prus de is postus a disponimentu, o in situatzionis de puntègiu ogualli, s'at a provedi a



calculai su rèditu de su nùcleu familiari donendi prioridadi a su rèdditu prus bàsciu e a su nùmuru de is fillus.

### **ART. 8 – PROTZEDURAS DE AMITIDURA**

Is dimandas po essi amìtius a s'Asilu Niu, fatas cun mollu apòsitu, depint essi presentadas cunforma a is modalidadis prevedias in su bandu apòsitu chi s'at a pubricai in su situ internet de s'Enti no prus a tradu de su 31 de Maju de dònna annu, cun custa documentatzioni:

1. Còpia de un documentu de identidadi bàllidu;
2. Inditadori de sa situatzioni ISEE bàllidu de su nùcleu familiari cun rigerimentu a is rèditus de s'annu pretzedenti a-i cussu de s'iscritzioni. Is utentis chi no presentant s'inditadori ISEE ant a essi inserius in sa fàscia de rèditu màssima. E chi serbint:
3. Tzertificatzioni mèdica chi acrarit sa situatzioni de handicap de su minori e acraratzioni de su Servìtziu Sanitàriu de cumpetèntzia po sa netzessidadi de un raportu diferentziau educadori/pipiu;
4. Tzertificatzioni relassada de sa strutura sanitària de cumpetèntzia chi acrarit una situatzioni de familiaris cun disabilidadi prus arta de su 65% (babbu o mamma o fradis e sorrìs de su minori iscritu a s'Asilu Niu);
5. Tzertificatzioni chi acrarit una situatzioni particolari de difficultadi po mori de sa distàntzia chilomètrica de prus de 25 Km;
6. Tzertificatzioni de responsabilidadadi esclusiva genitoriali;
7. Còpèia de su permissu de soggiornu, chi est unu tzitadinu extracomunitàriu.

7

S'arregordat ca, cun riferimentu a is decraratzioni sostitutivas, bàllint is dispositzionis cunforma a su D.P.R. n.445/2000 e ca is tzertificaus mèdicus no podint essi sostituius de àterus documentus.

Is pipius amìtius a sa frecuèntzia ant, a su momentu de s'inserimentu in s'Asilu Niu, presentai custa documentatzioni sanitària:

- Tzertificau de is vacinus;
- Tzertificau de su pediatra chi acrarit sa situatzioni de saludi de su pipiu.



Is pipius chi gai frequentant funt amìtius de diritu in s'annu scolàsticu sighenti, cun arrechesta in mollus apòsitus de trasmiti a s'Ufitziu de segreteria de s'Asilu Niu, e depint essi arregularis po su pagamentu de is cuotas passadas.

Rechisiu indispensàbili po s'atzessu a s'Asilu Niu est sa residèntzia de su minori o assumancu de su babbu o sa mamma in su territòriu de sa Tzitadi Metropoitana, candu si fait sa dimanda e candu si fait s'inserimentu.

Is dependentis chi tenint diritu podint atzedi mancai no siant residentis.

Funt definius critèrius spetzìficus po s'atzessu po is utentis no residentis.

### **ART. 9 - CONTRIBUTZIONI A SA SPESA DE SU SERVÌTZIU**

Is utentis pigant parti a sa spesa de servìtziu cun cuota cunforma a s'inditadori de sa situatzioni econòmica ecuivalenti (ISEE) de su nùcleu familiari, cunforma a sa taulledda allegada a-i custu regulamentu.

Is utentis chi no presentant inditadori ISEE funt inserius in sa fàscia de rèditu prus arta.

Est obrigatòriu a contribui a is spesas de su servìtziu.

8

Si chi no funt residentis in su territòriu de sa Tzitadi Metropolitana funt inserius in sa fàscia de rèditu prus arta.

### **ART.10 - MODALIDI DE PAGAMENTU DE SA CUOTA**

Su minori amètiu aintru de is primas 15 diis de su mesi pagat sa primu rata po intreu, chi amètiu pustis is 15 diis pagat sa primu rata a su 50%.

Sa cuota si pagat dònna mesi fora de contai is diis de frecuèntzia de su minori in s'Asilu Niu.

Su mollu cun cu càculu de sa cuota e su modu de pagai benit cunsenniau candu su minori benit inseriu de s'Ufitziu de Segreteria de s'Asilu Niu.

Su versamentu si depit fai aintru de sa diri 5 de dònna mesi in contu apòsitu de s'Enti.

Chi sa cuota no benit pagada po duus mesis de sighiu o benit pagada a mera irregulari po totu s'annu scolàsticu, s'Enti, fata sa difida de pagamentu, at a provedi a dispidiri su minori.

Po dònna annu scolàsticu in s'Asilu Niu is pipius ant a essi riamètius pustis





ai pagau is cuotas chi si depint a s'Enti po s'annu scolàsticu pretzedenti. Chi su minori benit dispidiu a manera definitiva, e arresurtant àteras cuotas de pagai, s'Enti at a provedi, cun difida, a su recùperu cun s'Ufitziu Legali. No funt amìtias ridutzionis de sa cuota po assèntzias, sarvu chi siat po totu su mesi po maladia o àteru impedimentu documentau, chi est acòlliu de s'Enti; in custa situatzioni est arredùsia de su 50%.

In su mesi de Idas e de Gennaxu sa cuota si pagat a su 75%.

In su mesi de Argiolas sa cuota si pagat a su 50%, mancai su minori no frequentat, sarvu de is pipius mannus chi acabant sa frequèntzia.

Su pipiu chi s'assentat de s'Asilu Niu po prus de 30 diis fora de tenni arraxoni giustificada, chi no est maladia o àteru impedimentu gravi atzetau de s'Enti, perdit su diritu a frequentai s'Asilu Niu.

Su pipiu chi s'assentat de s'Asilu Niu po prus de 60 diis fora de tenni arraxoni giustificada, perdit su diritu de frequentai s'Asilu Niu e benit dispidiu. In custu periodu de assèntzia sa cuota est arredùsia a su 50%.

Sa famìllia podit in dònna momentu rinunciai a su postu fendi a sa Segreteria de s'Asilu Niu de craratzioni apòsita de rinùncia iscrita.

9

Benit cunsiderada rinùncia chi no benit atzetau su postu candu est assenniau.

Pustis sa presentatzioni iscrita de rinùncia sa famìllia benit esentada de versai su contributu mensili a decurri de su mesi sighenti a-i cussu de sa presentatzioni. In assèntzia de rinùncia formali is cuotas s'ant a depi pagai aicietotu.

Candu s'assèntzia est po prus de 5 diis de sighiu, si torrat a riamiti pustis sa presentatzioni de su tzertificau mèdicu fatu de su pediatra.

No ant a essi fatus scontus a sa cuota po pagu diis de assentza.

Is pipius chi giai frequentant e torraus a essi amìtius de diritu in s'annu scolàsticu depint pagai sa cuota de su mesi de Cabudanni.

## **ART.11 - ORGANIZZAZIONI DE SU SERVÌTZIU**

S'Asilu Niu incumentzat s'atividadì in su mesi de Cabudanni fintzas a su mesi de Argiolas.

Is datas benint fatas isciri a is babbus e mammas dònna annu cun sa



cunsènnia de su calendàriu scolàsticu, cun sinnalaus is diis de candu est serrau in su mesi de Austu, po Paschixedda e Pasca Manna e àteras arrecurrèntzias religiosas e tzivilis.

S'Asilu Niu est abertu de su LuniS a su Giòbia, in custus oràrius:

- S'intrat de is 07:30 a is 09:00;
- Si bessit de is 14:00 a is 15:15 (po sa setzioni de is prus mannus);
- Si bessit de is 14:00 a is 14:45 (po sa setzioni de is prus piticus).

Su Cenàbara s'Asilu Niu est abertu in custus oràrius:

- S'intrat de is 07:30 a is 09:00;
- Si bessit de is 14:00 a is 14:45.

Chi si depit fai bessiri is pipius ainnantis de s'oròriu stabiliu, si depit cuncordai cun s'educatrice de riferimentu.

Sa serradura straordinaria de s'Asilu Niu podit sutzedi po situatzionis gravis e arraxonis acraradas e cun disponimentu de su Dirigenti de su Setori.

Chi is pipius ndi benint pigaus de personas difarentis de su babbu o sa mamma, si depit compilai a manera obrigatòria su mollu de dèlega, sutascritu de si chi tenint sa responsabilidadi legali e cunsenniau cun fotocòpia de is documentus bàllidus de si chi tenint sa dèlega. Custas dèlegas funt bàllidas po totu s'annu scolàsticu.

Is personas delegadas a ndi pigai is pipius depint tenni assumancu 18 annus.

## **ART.12 - PERSONALI**

In S'Asilu Niu ddoi traballant s'operatori, su psicòlugu, is educadoris, su personali de coxina e cussu po is servìtzius generalis.

Su Coordinadori:

- Curat s'organizazioni generali de su servìtziu e is raportus cun s'Aministratzioni;
- Programat, impari a su psicòlugu e su personali educativu, s'atividadi po totu s'annu;
- S'incurat de is raportus cun is famìllias d eis minoris;



- Curat is raportus cun is agentzias educativas e sòtziu sanitàrias de su territòriu;
- Nd'assecurat sa continuidadi professionali de is operadoris.

#### S'Educadori:

- Favoressit e s'incurat cun collaboratzioni costanti cun sa famìllia de su svilupu psicofìsicu normali de su pipiu;
- Curat s'atividadi educativi de sa truma de pipius chi ddi pertocant;
- Nd'assecurat a is pipius sa seguresa, igiene personali, alimentatzioni e totu si chi serbit po su svilupu psicofìsicu;
- Tenit cuntatus cun sa famìllia de su pipiu, curendi-de-ndi dònna informatzioni chi potzat serbiri po sa formatzioni e educatzioni de su pipiu.

#### Su Psicòlugu:

- Collàborat a controllai sa situatzioni de benèssiri psicològicu de dònna pipiu;
- Programat, impari cun su coordinadori e su personali educativu, s'atividadi po totu s'annu;
- Chi ddoi est s'arrechesta, donat consulèntzia a is babbus e mammas po afrontai problemas chi pertocant sa famìllia.

11

Su personali acumpàngiat is pipius po totu su tempus chi abarrat in s'Asilu Niu, garantendi-de-ddi sa continuidadi educativa. In s'Asilu Niu benit assegurau un raportu educadori/pipiu cunforma a sa normativa regionali (Delibera G.R. n.50/12 de su 16,09,2008, modificada e integrata de sa Delibera G.R. n.28/11 de su 19,06,2009).

Chi ddoi est calancunu chi tenint una disabilitadi tzertificada su nùmuru de is pipius depit essi valutau dònna borta arrespetendi is inditus chi ddoi funt in sa diànniosi de su minori.

Is localis funt organizaus e aprontaus po arrespetai is esigèntzias de is pipius: logus pratzius po dònna setzioni (aprontaus cunforma a s'edadi); logus po aculli is pipius, po giogai, po si pasiai, po su pràngiu e po



s'igiene; logus in foras in su giardinu po giogai a s'ària.

S'Asilu Niu donat un servìtziu mensa po aprontai dònna diri su mandiaru po is pipius, cunforma a su Regulamentu Sanitàriu e de is taulleddas dietéticas predisponnas de sa ASSL Cagliari cun sa consulèntzia de un dotori-pediatra de sa ASSL Cagliari.

Is operadoris inditaus a is servìtzios generalis garantiscint de assolvi is incàrrigus de pulitzia generali de is spàtzios, de s'arredamentu e de sa biancheria de s'Asilu Niu.

Su servìtziu est agiudau de su servìtziu de segreteria e de is ufitzios amministrativus de su Setori Servìtzios Sotzialis.

### **ART. 13 - INTRADA IN VIGÈNTZIA**

Custu Regulamentu intrat in vigèntzia a sa data de esecutividadi de sa delìbera de aprovazioni de su Cunsillu Metropolitanu.